



SÁMEDIGGI

Sámedikki strategiiijaplána sámegeiel
oahpponeavvoráhkadeapmái 2025 –
2028 - Ođasteapmi



Innholdsfortegnelse

Oahpponeavvodilli 2025.....	4
Jahkásaš ekonomalaš juolludeamit.....	4
Stáhtus ja dárbbut	5
Oahpponeavvoráhkadeapmi.....	8
Oahpponeavvobuvttadeapmi - árvvoštallamat ja strategijat	9
Oahpponeavvuid jorgaleapmi sámegillii.....	9
Buorit oahpponeavvut main lea buorre kvalitehta.....	9
Lulli- ja julevsámegiel oahpponeavvut.....	10
Visotgokči dahje fáddávuđot oahpponeavvut	10
Digitála ja/dahje prentejuvvon oahpponeavvut.....	10
Almmolaš háhkamiid.....	11
Gaskkusteapmi	11
Politihkalaš ja fágalaš ovttasbargu ja gulahallan	12
Davviriikkalaš ovttasbarg	13
Vuoruheamit 2025–2029.....	13

Álggahus

Buot sámi ohppiin Norggas lea vuoigatvuohta oažžut oahpahusa sámegeielas beroškeahtta ássanbáikkis (oahpahuslága kap. 3-2, vuosttaš lađas ja § 6-2, vuosttaš lađas), ja oahpahusa sámegeillii vuodđoskuvlaagis sámegeiela hálddašanguovllus, ja sis lea vuoigatvuohta oažžut oahpahusa sámegeillii buot fágain (oahpahuslága § 3-2, nubbi lađas). Ohppiin olggobealde sámegeiela hálddašanguovllu lea vuoigatvuohta oažžut oahpahusa sámegeillii go unnimusat logi oahppi dan háliidit, ja nu guhka go joavkkus leat unnimusat guhitta oahppi (oahpahuslága § 3-2, njealját lađas).

Norgga Vuodđoláhka nanne ahte stáhta galgá láchit dilálašvuodaid nu ahte sápmelaččat sáhttet sihkkarastit ja ovddidit sámi giela, kultuvrra ja servodateallima. Oahpahuslága § 17-1 (2010) láhkaásahusa vuodul lea ohppiin vuoigatvuohta oažžut oahpponeavvu girjegillii dahje ođđadárogiillii. Sámi ohppiin ii leat dál seammalágan láchkananejuvvon vuoigatvuohta oažžut sámegeielat oahpponeavvuid. Go oahpahusláhka addá sámi ohppiide vuoigatvuođa oažžut oahpahusa sámegeielas ja sámegeillii, de bidjá Sámediggi vuodđun ahte láhka eahpenjuolgadit addá ohppiide vuoigatvuođa oažžut sámegeiel oahpponeavvuid.

Norggas leat guokte oahppoplána, sámi oahppoplánabuvttus Máhttolokten 2020 – Sámi (ML20S) ja našunála oahppoplánabuvttus Máhttolokten 2020 (ML20). Sámi oahppoplánas leat sierra sámi parallealla seammaárvosaš oahppoplánat eanaš fágain, earret eará fágaide; matematihkka, eñgelasgiella ja ROEE. Sámediggi ovddida ja mearrida oahppoplánaid joatkkaoahpahusa sámegeiefágaide ja erenoamáš sámi fágaide. Dasa lassin mearrida Sámediggi sámi sisdoalu nášunála oahppoplánaide. Departemeanta mearrida, ovttasráđiid Sámedikkiin, sámi sisdoalu sámi oahppoplánain.

Sámedikki mihttomearri oahpahussii lea ahte sápmelaččain galgá leat dárbbalaš máhttu, gelbbolašvuohta ja gálggat vai sáhttet ovdánahttit sámi servodagaid. Dát mearkaša ahte sámi álbmogis galgá leat duohta vuoigatvuohta oažžut oahpahusa sámegeielas ja sámegeillii. Sámi oahpponeavvut leat deatalaččat ollašuhttit ohppiid vuoigatvuođa oahpahussii sámegeielas ja sámegeillii. Dat boahťa ovdan earret eará Máhttolokten 2006 - Sámi (ML06S) evalueremis. Joksán dihte oahpahusa mihttomeari ánggiruššá Sámediggi oahpponeavvuid.

Dasto lea Sámedikki mihttomearri oahpponeavvoráhkadeamis ahte sámi oahppit ja oahppit geain lea sámegeielloahpahuš ožžot sámi oahpponeavvuid buot golmma sámegeillii buot fágain mat čuvvot vuodđooahpahusa ML20S oahppoplána.

Sámedikki bargun lea fuolahit ollislaš ja beaktillis hálddašeami. Sámediggi mearrida ulbmiliid, strategijaid ja doaibmabijuid oahpponeavvoráhkadeami váikkuhangaskaomiid várás,plána- ja bušeahhtaproseassaid bokte. Sámediggi ruhtada oahpponeavvobuvttadeami.

Lea dárbu bearráigeahččat ja sihkkarastit oahpponeavvohálddašeami, mii fertet sihkkarastit buriid ekonomalaš rámmaeavttuid oahpponeavvoovddideapmái, olmmošlaš resurssaid ja oahpponeavvobuvttadeddjiide geat bisuhit buori ovddideami ja buvttadit oahpponeavvuid main lea alla kvalitehta ja beaktillis buvttadanáigi. Sámediggi bargá maiddái oahpponeavvuide buori gaskkusteami.


Dán strategijaplánas ovdanbuktá Sámediggi ođastuvvon doaibmabijuid maid áigut vuoruhit sihkkarastin ja ovddidan dihte sámegeiel oahpponeavvoráhkadeami áigodaga 2025-2028.

1 Oahpponeavvodilli 2025


1.1 Jahkásaš ekonomalaš juolludeamit

Máhtdepartemeanta juolluda jahkásaččat ruđaid Sámedikki oahppoulbmiliid bargui, maiddái sámegielat oahpponeavvuid ráhkadeapmái ja buvttadeapmái. Maŋimus jagiid leat juolludeamit veaháš lassánan fágaodasmahttima barggu geažil.

Oahpponeavvuid bušeahhta	2019	2020	2021	2022	2023	2024	2025
Oahpponeavvuid ráhkadeapmi							
Sámedikki bušeahhta ohcanvudot	19 440 000	17 590 000	27 660 000	24 660 000	15 660 000	18 460 000	18 460 000
Sámedikki bušeahta rámmašiehtadusat	2 500 000	3 000 000	6 000 000	9 000 000	9 000 000	9 000 000	9 000 000
Eará doaibmabijut							
Ovttas/Aktan/Aktesne	750 000	755 000	790 000	809 000	837 000	891 000	823 000
Movttiidahttindoaimabijut	100 000	100 000	300 000	300 000	300 000	0	0
Oahpponeavvoortnega árvoštallan		500 000					
Rájáidrasttideaddji sámi oahpahuš, oahpponeavvut-prošeakta				500 000	500 000		
Virgeresursa, 1 fásta ja 1 jahkásašvirgi				1 800 000			
Submi	22 790 000	21 945 000	34 750 000	36 569 000	25 797 000	28 351 000	28 383 000



Govvosis oaidnit ahte ohcamušaid supmit rievddadit, ja jahkái 2024 lassánit mearkkašahtti láchkai, seammás go juolludeamit bissot sullii seamma dásis olles áigodagas, gaskal 20 ja 30 miljovvna ruvno.



2019 rájes lea ohcamušaid lohku bisson dásseidin, sullii 30 ohcamuša, ja 2024:s ja 2025:s lea lohku lassánan sullii 40 ohcamušii. Juolluduvvon ohcamiid lohku lea lassánan dásseidit jahkásaččat 2019 rájes, muhto njejjai 2024:s. 2025 lea lohku fas lassánan ja lea fas seamma dásis go ovddit jagiin.

1.2 Stáhtus ja dárbbut

Sámediggi juolluda jahkásaččat doarjaga dábálaš ja erenoamáš heivehuvvon oahpponeavvuid ráhkadeapmái vuoddoahpahussii, sihke davvi-, julev- ja lullisámegiillii, ja lea jagi 2020 rájes dasa lassan dahkan guokte rámmašiehtadusa oahpponeavvuid ráhkadeapmái. Jagi 2025:s leat almmuhan golbma ođđa gílvvu oahpponeavvuid almmolaš háhkamis. Sámedikki oahpponeavvogeahčastagas (mielddus 1 ja 2) čájehit sihke oahpponeavvoproševttaid mat leat jođus ja oahpponeavvoproševttaid mat leat gárvvistuvvon ML20S mielde 2022-2025 áigodagas.

Sámediggi lea čađahan guokte rámmašiehtadus mat gusket digitála oahpponeavvuid davvisámegiella vuosttašgiellan 1.-10. cehkiide, ja julevsámegiella vuosttašgiellan 1.-10. cehkiide. Rámmašiehtadusaid siskkobealde dahká Sámediggi jahkásaš dinggojumiid buvttadeddjiiguin. Buot dinggojumiid leat čađahuvvon eavttuid ja vuordámušaid mielde. Jagi 2025 loahpas almmuhii Sámediggi golbma almmolaš fáladatgílvvu rámmašiehtadusaid buvttadit prentejuvvon oahpponeavvuid davvi-, julev- ja lullisámegiillii 1.-7. luohkáide. Rámmašiehtadusaid fáladatproseassa lea jođus.

Lea jahkásaččat álggahan oahpponeavvovoráhkademiid Sámedikki vuoruhemiid vuodul. Jahkásaš vuoruheamiid leat veaháš manjduvvon váilevaš ohcamiid dahje váilevaš doarjjaruđaid geažil. Sámediggi lea fuolas go mii eat leat manjmuš jagiid ožžon ohcamiid buot julevsámi vuoruhemiide. Sámedikki doarjjaoažžu lei ovdal 3,5 jagi áigemearri gárvvistit oahpponeavvoproševttaid. Gárvvisteami áigemearri vuoliduvvui golmma jahkái 2020:s. Dát dahkkui oassin oahpponeavvovoráhkadeami beavttálmahttimis. Mii oaidnit ahte lea leamaš positiivvalaš beaktu báhcán doarjjaruđaide (doarjjaoassi mii ii leat máksjuvvon), mat dán jagi dahke dušše 36 milj. ru. dan ektui go ovdamearkka dihte 2022:s lei supmi 65 milj. ru.

Golggotmánus 2022:s gitta golggotmánui 2024:s leat registrerejuvvon 53 oahpponeavvoalmmuhusa. Skábmamánu 2024 rájes gitta juovlamánu 2025 lohppii leat gárvánan oktiibuot 44 oahpponeavvu. Jagi 2022 rájes 2025 jagi lohppii leat almmuhuvvon oktiibuot 97 oahpponeavvu. 51 dain almmuhuvvon oahpponeavvuin leat digitála komponenttat. Sámediggi lea duhtavaš go digitála oahpponeavvut main lea alla kvalitehta leat lassánan dan oktavuodas go Sámediggi lea jagi 2019 rájes lokten digitála oahpponeavvuid vuoruheami. Digitaliseren lea quovddážiis fágaodasmahttimis ja oppalaččat servodatovdáneamis ja Sámediggi lea, gč. politihkalaš ulbmiliid ovddit doaibmaplánain, čuovvulan dan alla kvalitehta sámi digitála oahpponeavvuid ráhkadeami čielga vuoruhemiiguin.

Mis lea leamaš ulbmilin ahte galgá ráhkaduvvot unnimusat okta oahpponeavvu juohke fágii ja jahkeceahkkái olles vuodđoskuvlamannolahkii. Dárbbu mielde leat mii maiddá vuoruhan ráhkadit lasi oahpponeavvuid dáidda.

Sámediggi lea sihkarastán oahpponeavvuid ovddideami ML20S vuodul davvisámegiella vuosttašgiellan ja nubbingiellan giellafágaid. Lullisámegiella váilot dušše oahpponeavvuid ráhkadit sámegiella nubbingiellan, sámegiella 2 joatkkaoahpahussii. Julevsámegiella leat baicca stuoat dárbbut, go váilot oahpponeavvut vuosttašgiella joatkkaoahpaha várás. Nubbingiella váilot ollislaš oahpponeavvut mat leat ráhkaduvvon ML20S mielde - sámegiella 2, 1.-4. ceahkiide(deaddiluvvon girjjit). Sámegiella 3 váilot oahpponeavvut 1.-7. ceahkiide mat leat heivehuvvon 1-3 dásiide ja sámegiella 4 buot jagiide joatkkaskuvllas Oasit bajábealde namuhuvvon oahpponeavvoproševttain leat almmuhuvvon ja váldon atnui, ja muhtun proševttat fas leat jođus ja lea vuordámuš ahte almmuhuvvojit 3 jagi sisa.

Eará fágain - earret sámegiella - lea dilli ná:

Davvisámegiellii leat almmuhuvvon dahje álggahuvvon eanemus oahpponeavvoproševttat mat čuvvot ML20S. Gávdnojit deaddiluvvon matematihkkagirjjit 1.-7. ceahkiide, servodatfágaoahpponeavvut 1.-7. ceahkiide, luondufágaoahpponeavvut 5.-7. ceahkiide, lášmmohallan 1.-10. ceahkiide, musihkka 1.-4. ceahkiide, biebmu ja dearvvašvuohta 5.-7. ceahkiide, programmeren ja koden 1.-10. ceahkiide, čoarve-, dákte- ja metálladuodji (8. ceahki-joatkkaskuvla), boazodoalloprográmmafága (joatkkaskuvla), duodji 8.-10. ceahkiide ja čieža fáddávuodot oahpponeavvu duojs joatkkaskuvlla váste. Leat álggahuvvon proševttat daid fágaid; sámi historjá ja servodat (joatkkaskuvla), sámi musihkka ja lávdi (joatkkaskuvla).

Lullisámegiella leat almmuhuvvon/oddaáigásaš proševttat fágain servodatfága 1.-10. ceahkiide, sámi historjá ja servodat, programmeren ja koden 1.-10. ceahkiide ja duojs joatkkaskuvlla dásis leat almmuhuvvon guhitta fáddáoahpponeavvu.

Go guoská julevsámi oahpponeavvuide, de leat almmuhuvvon vihtta fáddáoahpponeavvu duojs joatkkaoahpaha várás ja okta fáddáoahppogirji duojs 1.-7. ceahkiide, programmeren ja koden 1.-10. ceahkiide, servodatfágas leat oahpponeavvut 1.-10. ceahkiide ja lea sámi historjá- ja servodatprošeakta mii lea jođus.

Jus geahččat man muddui gokčat oahpponeavvut mat leat ráhkaduvvon ML06S mielde, de dilli buorrána mealgat. Gávdnojit almmuhuvvon oahpponeavvut sihke davvi-, julev- ja lullisámegiellii ML06S mielde fágain sámegiella vuosttaš- ja nubbingiellan, luondufága, servodatfága, historjá, duodji ja matematihkka. Ollu dáin oahpponeavvuin sáhttet ain geavahuvvot oahpahas ja ollu oahpaheaddjit mitalit ahte oahpponeavvut ain geavahuvvojit, muhto sii háliidivčče ahte dat livčče ođasmahttojuvvon ML20S ektui.

Sámediggi lea duhtavaš go mii mañimuš jagiid leat ruhtadan davvi-, julev- ja lullisámegiella oahpponeavvuid almmuhemiid fágaidrastideaddji fáttáin álbmotdearvvašvuohta ja eallimis birgen, demokratiija ja mielborgárvuhta ja guoddevaš ovdáneapmi. Mii leat addán doarjaga oahpponeavvu árbvirolaš máhtu ektui golmma sámegiellii ja programmeremii ja kodemii mii maiddái ráhkaduvvo davvi-, julev- ja lullisámegiellii.

Mii leat mañemus plánaáigodagas heaittihan muhtun proševttaid lulli- ja julevsámegiellain váilevaš ovdáneami geažil. Dát proševttat ledje birrasiid 10 jagi boarrásat. Lea dávjjimusat dat go váilot resursaolbmot mat dagahit mañonemiid ja lea čájehuvvon ahte lea váttis gávdnat dakkár resursaolbmuid geain lea dárbbášlaš fágagelbbolašvuohta. Dávjá leat oahpaheaddjit olles virggiin vuoddo- ja joatkkaskuvllas geat leat proševttain mielde. Sámediggi vásiha ahte proševttat main girječállit barget mánuovdánahttimin astoáiggis, leat dat proševttat mat dávjjimusat mañonit ja loahpas fertejit loahpavuvot.

Tabellás vuolábealde lea listu fágain gos ain váilot sámegiella oahpponeavvut mat leat ráhkaduvvon ML20S vuodul. Fágasurggiin main leat álggahuvvon proševttat, eai leat dat šat namuhuvvon tabellás vuolábealde:

Fága:	Davvisámegiella:	Julevsámegiella:	Lullisámegiella:
Sámegiella vuosttašgiellan	Váilojit deaddiluvvon girjjit 1.-7. ceahki +10. ceahki	Váilojit deaddiluvvon girjjit 1.-10. ceahki Jo1-Jo3	Váilojit deaddiluvvon girjjit 1.-7. ceahki
Sámegiella nubbingiellan			

Sámegiella 2		1.-4. ceahkki deaddiluvvon girjjit (ollesgokči)	
Sámegiella 3		1.-. ceahkki - nivå 1-3	
Sámegiella 4		Jo1 -Jo3	
Sámegiell čiekŋudeapmi		8.-10. ceahkki	8.-10. ceahkki
Sámegiella ohppiide geain lea seavagiella	5.-13. ceahkki	1.-13. ceahkki	1.-13. ceahkki
Dároggiella ohppiide geain lea sámegiella vuosttašgiellan	1.-13. ceahkki	1.-13. ceahkki	1.-13. ceahkki
Engelasgiella ohppiide geain lea sámegiella vuosttašgiellan	1.-13. ceahkki	1.-13. ceahkki	1.-13. ceahkki
Matematihkka	1.-10. ceahkki Jo1 -Jo3	1.-10. ceahkki Jo1 -Jo3	1.-10. ceahkki Jo1 -Jo3
ROEE	1.-13. ceahkki	1.-13. ceahkki	1.-13. ceahkki
Luonddufága	1.-4. ceahkki 8.-10. ceahkki Jo1-Jo3	1.-10. Ceahkki Jo1-Jo3	1.-10. Ceahkki Jo1-Jo3
Servodatfága	5.-10. ceahkki deaddiluvvon girjjit	5.-10. ceahkki deaddiluvvon girjjit	5.-10. ceahkki deaddiluvvon girjjit
Historjá	8.-10. ceahkki	8.-10. ceahkki	8.-10. ceahkki, Jo2- Jo3
Geografiija	8.-10. ceahkki, Jo1	8.-10. ceahkki, Jo1	8.-10. ceahkki, Jo1
Lášmmohallan	Jo1-Jo3	1.-10. Ceahkki Jo1-Jo3	1.-10. Ceahkki Jo1-Jo3
Osku ja etihkka sámi	Váilu	Váilu	Váilu
Duodji	1.-7. ceahkki (ráhkaduvvon ML06S mielde)	1.-7. ceahkki (ráhkaduvvon ML06S mielde) 8.-10. ceahkki	1.-10. ceahkki
Duodji Jo2	Váilu ollesgokči	Váilu ollesgokči	Váilu ollesgokči
Musihkka	5.- 10. ceahkki	1.-10. ceahkki	1.-10. ceahkki
Borramuš ja dearvvašvuolta	1.-4. ceahkki, 8.-10. ceahkki	1.-10. ceahkki	1.- 10. ceahkki
Sámi historjá ja servodat, JO			
Boazodoalloprográmmafága, Jo2		Váilu	Váilu

Sámi musihkka ja lávdi eaktodáhtolaš prográmmafága, Jo2		Váilu	Váilu
Sámi visválalaš kultuvra, eavttolaš prográmmafága, Jo2	Váilu	Váilu	Váilu

Sámediggeráđdi lea mearridan oahppoplána Sámegeiella parallealla seammaárvosaš oahppoplána matematihkas 1.-10. dássái golgotmánu 10. beaivvi 2025, ja dat lea fámus borgemánu 1. beaivvi 2026 rájes. Oahppoplánajoavku mii lea ráhkadan plána, lea geavahan našunála oahppoplána matematihkas vuodđun bargui sámi oahppoplánaiguin matematihkas. Sii leat konkretiseren sámi sisdoalu buot osiin sámi oahppoplánas, earret eará leat lasihan bearašoktavuođaid, oktasašdoaimma/ovttastallan, birgema, sámi lohkodeahpagaidd ja sámi mihttoovttadagaid, rehkenastin ja ahte oahppoplánas lea sadji báikkálaš heivehepmái. Oahppoplána láchčá maid dili ovdánahttit gelbbolašvuoda mii ráhkkanahttá ohppiid viidásit ohppui ja/dahje servodateallimii. Sámi sisdoallu lea maiddái bures sajáiduvvan sámi árvvuide, gillii, kultuvrii ja servodateallimii.

Lea vuordámuš ahte sámi oahppoplána ja sámi oahpponeavvut matematihkas dagahit ahte eanet sámi oahppit ožžot oahpahusa sámegeielas matematihkas, ja ahte sámi matematihkkagiella oažžu buriid ovdánanvejolašvuodaid.

Erenoamážit heivehuvvon oahpponeavvut leat ráhkaduvvon dahje leat ráhkaduvvome mánáidgárdemánáid rájes gitta ohppiide gaskadássái. Dát lea vuosttažettiin fáttás giellaoahppamis ja -ovdáneamis buot golmma sámegeillii, ja veahkkegielas.

Lea stuora dárbu erenoamážit heivehuvvon oahpponeavvuide ohppiide nuoraidskuvllas ja joatkkaoahpahussii.

Lea leamaš stuora hástalussan go Sámediggi lea ožžon hui unnán ohcamiid ráhkadit oahpponeavvuid ohppiide geat dárbbasit erenoamáš heiveheami, ja dan mii leat ovddidan oahpponeavoráhkadeddjiide min ovttasbargočoahkkimiin. Jagi 2024 dilli rievddai buoret guvlui go oaččuimet 11 ohcama erenoamážit heivehuvvon vuoruhemiid siskobealde, oktiibuot 31,1 miljon ruvnno. 2025:s jotkkii dát ovdáneapmi, go bohte 11 ohcamuša 17,3 miljon ruvnno ovddas. Dát lea min mielas buorre ovdáneapmi, muhto hástalussan lea ahte Sámedikkis lea gáržžes ruhtadilli ja Sámedikkis lei vejolašvuolta doarjut dušše vihtta prošeavtta 11 prošeavtta gaskkas, oktiibuot 3,6 miljon ruvnnuin. Vaikko bohte ge ollu buorit ohcamat maid mii áinnas livččiimet sáhttán doarjut, de eat sáhttán goitge addit stuorát oasi ollislaš ruhtavárrejumis eambo prošeavttaide dán suorggis

Sámediggeráđdi lea jagi 2024 vuosttaš geardde historjjás addán doarjaga sámegeiella vuosttašgiellan 1.-4. cehkiide, ohppiide geain lea mearkagiella. Vurdojuvvo ahte oahpponeavvu ráhkaduvvo fágii ođđa oahppoplána vuodul. Sámediggeráđi mielas lea hui illudahtti go dáinna lágiiin láchččojuvvo dilli nu ahte dát ohppiidoavku oažžu oahpahusa sámegeielas, bálddalaga oahpahusain mearkagielas ja dárogielas. Departemeanta ii leat vuos mearridan sámegeiella oahppoplána ohppiide geain lea seavagiella, muhto dat vurdojuvvo ahte mearriduvvo lagamus áiggis. Sámediggi áigu joatkit vuoruhit oahpponeavvuid seavagillii.

2 Oahpponeavvoráhkadeapmi

Oahppoplánabuktosa bajit oasis (Bajit oasis - vuodđooahpahusa árvvut ja prinsihpat) daddjo ahte sámi skuvla galgá láchčit dili nu ahte oahppit ožžot oahpahusa man vuodđun leat sámi árvvut ja sámi giella, kultuvra ja servodateallin. Sámi skuvllas lea deahtalaš ahte lea buotsámi perspektiiva ja álgoálbmotperspektiiva, ja deattuhit materiála ja immateriálakulturárbbi nugo árbevirolaš máhtu, duoji ja sohka- ja bearašoktavuođaid.

Sámediggi deattuha ahte sámegeiel oahpponeavvut galget speadjalastit oppa sámi perspektiivva, mas sámi álbmot áddejuvvo oktan ovttaidahkan rastá nátionála rájiid. Buotsámi perspektiivvain oaivvilda Sámediggi ahte oahpahus ferte váldit vuoddu das ahte sápmelaččat leat okta álbmot mii orru njealji

riikkas, ja ahte sámi giella ja historjá, sámi árvvut ja servodagat Norggas leat oassin ollisvuodas mii fáttmasta olles Sámi.

2.1 Oahpponeavvobuvttadeapmi - árvvoštallamat ja strategiijat

Stáhtabušeahhta 2025 joatká sámi oahpponeavvuid rámma 2024 rájes, mii lea 6 mill. ru. Ráddjejuvvon juolludusaid vuodul dárbbuid ektui, áigu Sámediggi ain vuosttažettiin vuoruhit oahpponeavvuid fágaid maidda Sámedikkis lea válde mearridit oahppoplánaid. Dat mearkkaša sámegiel fágaid ja joatkkaoahpahusa erenoamáš sámi fágaid. Dán mearridii Sámediggi vuosttaš geardde áššis 55/22 *Oahpponeavvoráhkadeami doaibmaplána 2020 - 2024 - reviderejuvvon.*

Sámediggeráđdi lea 2024:s čađahan jearahallaniskadeami mas mii bivddiimet oahpaheddjiid buktit cealkámušaid oahpponeavvoráhkadeami hárrái. -Ulbmil lei háhkat dieđuid das mii doaibmá bures dálá oahpponeavvofálaldagas, ja guđiin surggiin lea dárbu buoridit oahpponeavvuid. Jearahallaniskadeapmi sáddejuvvui 58 skuvlii, main 28 oahpaheaddji, 6 skuvlajodiheaddji sáddejedje cealkámušaid Sámediggái. Árvalusat čájehit ahte servodatfága, historjá ja luonddufága oahpponeavvut leat boarásmuvvan ja daid berre ođastit ML20S vuodul. Dasto lea boahtán ovdan ahte lea dárbu almmuhit prentejuvvon oahppogirjjiid servodatfágas smávvaskuvladássái ja sámegiella vuosttašgiellan fágas, man Sámediggi lea čuovvulan dán plána.

Oahpponeavvoráhkadeami doaibmaplána 2020–2024 lei Sámedikkis áigumuš ásahit koordináhtorvirggi oahpponeavvoráhkadeamis julev- ja lullisámi guvlui. Dát ii leat čuovvuluvvon dainna lágiin ahte ásahuvvo sierra virgi oahpponeavvohálddašeapmái. Dattetge lea dárbu beavttálmahhtit oahpponeavvoráhkadeami dán guovlluin, mii gáibida ahte Sámediggi geahčada ođđa vejolaš struktuvrraid oahpponeavvoráhkadeami hálddašeamis.

Muđui lea Sámediggeráđdi čuovvulan measta buot doaibmaplána doaibmabijuid. Daid doaibmabijuid hárrái mat galggašedje álkidit juohkindoaimmaid oahpponeavvoportála geavaheddjiide, lea Sámediggi lasihan njuolgodoarjaga oahpponeavvoportálii Ovttas|Aktan|Aktesne 250 000 ruvnnuin 2019 rájes dássáži, mii geavahuvvo vuodđovuogádaga buoridanbargui. Muhto Sámedikkis ii leat leamaš kapasitehta addit doarjaga oahpponeavvoportálii oahpaheddjiid iežaset ráhkadan oahpponeavvuid almmuheapmái, danin go leat unnán ekonomalaš rámmajuolludeamit.

2.2 Oahpponeavvuid jorgaleapmi sámegillii

Dálá oahpponeavvuid jorgaleapmi mearkkaša vuosttažettiin ahte oahpponeavvut galget jorgaluvvot johtilit. Dat lea buorre ja lea iešalddis mihttomearri. Hástalus dainna lea dattetge ahte dáid sisdoallu oahpponeavvuid sisdoallu ii dárbbas leat vuodđuduvvon sámi kultuvrii ja servodateallimii. Lea dávjá ohcci gii čađaha prošeavtta guhte árvvoštallá ja mearrida sáhtá go jorgalit ja/dahje heivehit oahpponeavvu mii juo gávdno, vai lea go ulbmillaččamus ráhkadit ođđa oahpponeavvu. Dat vuolgá das go välljen lea áiggis áigái oahpponeavvobuvttadeddjiid kapasitehta ja resurssaid duohken čálliid/jorgaleddjiid dáfus ja dan dáfus guđe fágasuorggi oahpponeavvu galgá gokčat.

Strategiijat:

- Sámediggi sáhtá ain addit doarjaga oahpponeavvuide mat jorgaluvvojit sámegillii, muhto gáibida ahte oahpponeavvut heivehuvvojit sámi parallealla oahppoplánaid sámi sisdoallui

2.3 Buorit oahpponeavvut main lea buorre kvalitehta

Departemeanta lea ráhkadan kvalitehtaeavttuid mángga fágii. Kvalitehtaeavttuid ulbmil lea addit vuodđooahpahusa iešguđet oassálastiide vuodu árvvoštallat oahpponeavvuid ollislaččat. Oahpponeavvuid välljen ja geavaheapmi lea mearrideaddjin dasa ahte oahppit ožžot buori oahppabohtosa. Sámedikki mielas lea deatalaš sihkarastit ahte oahpponeavvuid sisdoalus lea kvalitehta dáfus buorre dássi ja ahte dat dávistit Máhttoloktema 2020 - Sámi sisdoallui.

Strategiijat:

- Sámediggi oaidná dárbbášlažžan ráhkadit kvalitehtaevttuid sámegiel oahpponeavvuide

2.4 Lulli- ja julevsámegiel oahpponeavvut

Sámediggi lea ovddit plánaáigodagas mearridan árvvoštallat doaimbajuid mat gusket oahpponeavvuid ráhkadeapmái skuvllain sámi resursaskuvllaid oktavuodas, ja dán barggu oktavuodas, árvvoštallat seammalágan ortnega skuvllaide go dan mii álggahuvvui jagis 2000, mii lei oahpaheddjiide oahppogeatnegasvuoda vuolideapmi. Sámediggái lea deatlaš ahte skuvllat mat čalmmustit iežaset sámi resursaskuvlan, ožžot vejolašvuoda loktet gelbbolašvuoda ja fidnet buriid profešuvdnaovttastumiid, ja maiddá vejolašvuoda ovddidit oahpporesurssaid bargoáigis.

Lea fuolastuhtti go erenoamážit julevsámi oahpponeavvoproševttaide leat mañemus jagiid leamaš unnán ohcamat, ja listtus mas oaidná oahpponeavvuid mat leat fidnemis, boahá ovdan ahte váilot ollu sihke julev- ja lullisámi oahpponeavvut. Dát vuolgá earret eará das go gáibiduvvojit eambbo návccat buvttadit teavsttaid lulli- ja julevsámegillii, go gielaid dáfus váilot ain muhtun normerenproseassat iešguđet fágasurggiid tearpmaid dohkkeheami olis. Sámediggeráđi lea čuovvulan ovddit doaimaplánas dan doaimbajiu ahte lasihit julev- ja lullisámi oahpponeavvuid ráhkadeddjiid čállibálkká máksomeriid 2023:s. Jagi 2026 njuolggadusaid barggu olis leat lokten máksomeriid. Muđui leat mi vuoruhan eambbo fágasurggiid julev- ja lullisámegielaide go davvisámegielas, go dan guovtti gielain lea stuorit oahpponeavvováilivuolta go davvisámegielas.

Strategijjat:

- Sámediggi áigu ain vuoruhit eanet julev- ja lullisámi oahpponeavvoproševttaid

2.5 Visotgokči dahje fáddávuđot oahpponeavvut

Visotgokči oahpponeavvuid dahje fáddávuđot oahpponeavvuid gaskkas válljen vuolgá konteavsttas ja das maid háliida olahit. Goappašiin lahkoneamiin leat ovdamunit ja sáhttet heivet buorebut iešguđege dilálašvuhtii.

Visotgokči oahpponeavvuin leat mánga ovdamuni. Dat sihkarastá ahte buot gelbbolašvuodamihttomearit ja oahppoplána gelbbolašvuodamihttomearit ollašuvvet. Oahppit ožžot struktuvrralaš ja ollislaš guorahallama fágas, mii addá systemáhtalaš ovdáneami.

Fáddávuđot oahpponeavvu ges addá vejolašvuoda dárkilit guorahallat dihto fágaid dahje fáttáid. Daid sáhtta heivehit iešguđet oahppandilálašvuodaide ja geavahit lassin dálá oahpponeavvuide vai sáhtta čiekŋudit dihto surggiide. Dasa lassin lea oahpaheaddjis buoret vejolašvuolta heivehit oahpahusa ohppiid beroštumiide ja oahppandárbbuide.

Fáddávuđot oahpponeavvuin lea oanehat buvttadanáigi, ja dat lea buorre.

Strategijjat:

- Sámediggi áigu ain vuoruhit visotgokči oahpponeavvuid ja áigu seammás, dan stuorra oahpponeavvováili geažil - ja dan geažil go lea dárbu jođánit ráhkadit sámegiel oahpponeavvuid, vuoruhit ain fáddávuđot oahpponeavvuid.

2.6 Digitála ja/dahje prentejuvvon oahpponeavvut

Digitaliseren skuvllas lea ollu rievdan ja rievdá ja ovdána ain. Digitála oahpponeavvut movttiidahttet ja ovddidit oahppama iešguđet fágaid ja teknologijjaid siskobealde. Skuvla ferte láchit dili vai sáhtta geavahit, hálddašit ja ovdánahttit teknologalaš veahkkeneavvuid ja čovdosiid.

Sámediggeráđi ovddas čadahii Vista Analyse árvvoštalai ja čielggadii Sámedikki oahpponeavvoráhkadeami organiserema sámediggeráđi ovddas 2021:s. Earret eará deattuhii raporta man deatlaš lea eanet ángiruššat digitaliseremiin ja ođđaáigásaš oahpponeavvuid ovddidemiin.

Sámediggi ávžžuhuvvui vuoruhit digitála čovdosiid mat sáhttet dahkat oahpponeavvuid álkibun gávdnat ja álkibun geavahit.

Lea dárbbaslaš ahte Sámediggi ain čalmmustahtá digitaliserema ja digitála sámeielat oahpponeavvuid, earret eará sihkkarastin dihtii ahte sámi oahppit sáhttet sámeielat oahpponeavvuid vehkiin nannet iežaset digitála gálggaid.

Vaikko digitála resurssat leat dehálaččat, de lea maiddá stuora dárbu prentejuvvon oahpponeavvuide. Prentejuvvon oahpponeavvut adnojuvvojit earret eará dehálažžan ohppiid áicilvuhtii. Sámediggi vásiha ahte čoahkkimiin sámeielat oahpaheddjiiguin ja skuvlajođiheddjiiguin deattuhuvvo ain dárbu prentejuvvon oahpponeavvuide. Dát bohtá maiddá ovdan jearahallaniskadeami vástádusain maid Sámediggi giđdat 2024 sáddii skuvllaide.

Ođastuvvon nátionálabušehtas miessemánus 2024 juolludii ráđdehus 300 miljon ruvno prentejuvvon oahpponeavvuid oastimii, ákkastallamiin ahte "Ráđdehus háliida buoret dássedeattu girjji ja šearpma gaskkas skuvllas, ja evttoha nuppi jahká maŋŋalaga várrejuvvon doarjagiid prentejuvvon oahppogirjiide."

Sámediggi oaidná, nugo Ráđdehus ge, man deaŋalaš lea ahte ain buvttaduvvojit prentejuvvon girjjit. Dárbbasuvvojit eanet sámeiel prentejuvvon girjjit ja konkretiserenávdnasat mat čuvvot ML20S ja mat nannejit lohkan- ja čállinmáhtu.

Sámediggi áigu maiddá deattuhit digitála oahpponeavvuid mat devdet láhkagáibádusaid, pedagogalaš kvalitehta ja maid sáhtta geavahit neahtaoahpahasas, muhto seammás áigu Sámediggi eanet deattuhit kombineret digitála ja prentejuvvon oahpponeavvuid. Dát sihkkarastá dássidis lagadeami mii fuolaha iešguđetlágan oahppandárbuid, seammás go oahpponeavvut devdet sihke ođđaáigásaš teknologija ja árbevirolaš oahpahanvuogiid gáibádusaid.

Sámedikki oahpponeavvoortnega njuolggadusaid mielde doarjjaoažžu galgá fuolahit doaimaovddasvástádusa ja bajásdoallat digitála neavvuid unnimusat vihtta jagi, dat mearkaša ahte dat galget leat olámuttos unnimusat vihtta jagi. Dat mearkaša ahte lágádusat sáhttet duohtavuodas giddet oahpponeavvu geavaheddjiide go áigodat nohká, ja dat hedjonahtá vejolašvuoda fidnet sámeiel digitála oahpponeavvuid. Sámeiel oahpponeavvut berrejít leat neahtas guhkit go 5 jagi. Erenoamážit dan dihte go sámi oahpponeavvobuvttadeapmi ovdána njozet Norgga oahpponeavvuid ektui. Čuolbman lea ahte lea divrras doallat digitála oahpponeavvuid olámuttos ja Sámedikki oahpponeavvoortnet gokčá dušše oahpponeavvuid ráhkadeami.

Strategijat:

- Sámediggi áigu ain vuoruhit digitála ja prentejuvvon oahpponeavvuid, ja oahpponeavvuid mat leat sihke prentejuvvon ja digitálalaš hámis
- Sámediggi áigu bargat dan ala ahte sihkkarastit rámmaeavttuid lágádusaide nu ahte oahpponeavvuid sáhtta doalahit ja áigeguovdilastit neahtas guhkit go 5 jagi

2.7 Almmolaš háhkamiid

Áigumuš lea ahte almmolaš háhkamiid bokte šaddet eanet oahpponeavvobuvttadeaddjit, ja ahte buvttadeaddjit sáhttet plánet buvttadeami guhkit áigái, mii dahká ahte buvttadeapmi šaddá eanet joatkevaš ja beaktil. Sámedikkis leat leamaš buorit vásáhusat rámmašiehtadusaiguin oahpponeavvoráhkadeami oktavuodas. Buvttadanproseassat leat leamaš beaktilat ja buktagat leat sáddejuvvon sohppojuvvon áigái. Sámedikki mielas lea almmolaš háhkan buorre vuohki buvttadit oahpponeavvuid.

Strategijat:

- Sámediggi áigu ain ruhtadit oahpponeavvuid almmolaš háhkamiid bokte

2.8 Gaskkusteapmi

Dieđut ođđa oahpponeavvuid birra gaskkustuvvojit oahpponeavvoportálas Ovttas|Aktan|Aktesne, gosa biddjojuvvojit dieđut ođđa oahpponeavvuid birra go dat leat gárvásat. Oahpponeavvut gaskkustuvvojit maiddái Sámedikki oahpponeavvoguovddášis Sámedikki girjerájus bokte. Doarjja oahpponeavvoprošeavttaide eaktuda ahte doarjjaoažžu vuovdala ja juohká almmuhuvvon oahpponeavvuid.

Vista evaluerenraporta (2020) čájehii ahte lea buoridanmunni sámegielat oahpponeavvuid oažžumis ja oahpaheaddjit vásihit ahte sis lea heajos visogovva dain oahpponeavvuin mat leat fidnemis. Dán vuodul lea Sámediggi ođđasis organiseren oahpponeavvoguovddáša. Mihttomearri lea ahte sámegielat oahpponeavvut bohtet buorebut oidnosii ja leat olámuttus buot geavaheddjiide.

Sámedikki oahpponeavvoguovddáš lea ođđasit organiseriejuvvon ja lea dál oassin Sámedikki girjerádjosis. Guovddáš mii lea Guovdageainnus Diehtosiiddas, lea rabas dábálaš bargoáiggi ja doppe lešluoikkahanbálvalus. Sámedikki girjerádjosis lea gaskkustanovddasvástádus davvi-, julev- ja lullisámi guovlluin ja oahpponeavvogaskkusteapmi lea maiddái oassin das.

Nugo ovdal lea namuhuvvon, de lea sámediggeráđđi, oassin dieđuid háhkamis dán strategijaplánii, čađahan jearahallaniskadeami (giđđat 2024) oahpaheddjiid ja skuvlajodiheddjiid várás. Ulbmil lei háhkat dieđuid das mii doaibmá bures dálá oahpponeavvofálaldagas, ja guđiin surggiin lea dárbu buoridit oahpponeavvuid. Jearahallaniskadeapmi sáddejuvvui 58 skuvlii, main 28 oahpaheaddji, 6 skuvlajodiheddji sáddejedje cealkámušaid Sámediggái. Vástádusat čájehit ahte ain gávdnojit ollu oahpaheaddjit geat eai dovdda ođđaseamos sámi oahpponeavvuid. Dát lea álo leamaš hástalussan ja Sámediggi lea fuolas go oahpaheddjiin ii leat vel diehtu das makkár sámegielat oahpponeavvut leat fidnemis. Danne oaidná Sámediggi dárbbalažžan álggahit doaibmabijuid maiguin oažžut eanet dieđuid sámi oahpponeavvuid birra ja sihkkarastit ahte oláhit buot geavaheddjiid.

Oahpponeavvoportála Ovttas|Aktan|Aktesne lea ođasmahttojuvvon ja ođastuvvon maŋemus jagi. Neahttasiiddu lea šaddan eambo čalmmus ja lea álkit geavahit dan, mii lea buorre.

Strategijiat:

- Sámediggi áigu joatkit bargguin nannet sámegielat oahpponeavvuid gaskkusteami
- Sámediggi áigu joatkit oahpponeavvoguovddáša ođđasis organiseremiin buoridan dihte sámegielat oahpponeavvuid gaskkusteami ja vai oahpponeavvut leat olámuttus geavaheddjiide.

2.9 Politihkalaš- ja fágalašovttasbargu ja gulahallan

Sámediggi oaidná dehálažžan jeavddalaččat ovttasbargat oahpponeavvoráhkadeddjiiguin. Sámediggi oaidná ávkki jahkásaš prošeaktačoahkkimiin main mii digaštallat daid prošeavttaid stáhtusa maid Sámediggi lea addán, ja main mii ovttasbargat oahpponeavvodoarjagiid njuolggadusaid ođasmahttimiid oktavuodas mat sihkkarastet oahpponeavvuid kvalitehta.

Sámediggeráđđi lea ásahan dakkár vieru ahte mii juohke jagi doallat webinaraid oahpponeavvoohcciide ovdal ohcanáigemeari, gos mii juohkit dieđuid Sámedikki doarjjaortnega ja oahpponeavvohálldašeami birra. Sámediggeráđđi vásiha ahte seminárat digitála arenain leat leamaš ávkkálaččat sihke Sámediggái ja oahpponeavvoráhkadeddjiide.

Sámediggeráđi gulahallan eiseválddiiguin oahpponeavvodili birra maŋimus jagiid lea earret eará leamaš konsultašuvnnaid oktavuodas oahpahušlága birra, mas sámediggeráđđi gáibidii lága bokte mearriduvvot vuoigatvuoda oažžut sámi oahpponeavvuid, seamma láchkai go ođđadárogielas ja girjedárogielas. Dat ii lihkestuvvan konsultašuvnnain. Dasa lassin leat mii dán áigodagas mannan doaibmaplána rájes dan strategijaplána rádjái leamaš ovttasbargu *Dieđ. St. 13 (2022-2023) Sámi giella, kultuvra ja servodateallin – Gelbbolašvuhta ja rekrutteren mánáidgárddis, vuodđooahpahas ja alit oahpus* olis. Dán proseassas soabaimet Máhttodepartemeanttain viidáset gulahallat das mo sáhtášii buoridit oahpponeavvodili.

Bajábealde namuhuvvon sturradiggedieđáhusa čuovvolemis lea sámediggeráđđi ožžon miehtama dasa ahte departemeanta álggaha čielggadanbarggu sámegiel oahpponeavvodili birra. Sámediggái lea deađalaš ahte oahpponeavvoráhkadeddjiid/lágádusaid bajimus rámmat ožžot sturra fuomášumi dán čielggadusas. Sámediggeráđđi lea ožžon árvalusaid Sálas:is ollu dárbbalaš rámmaeavttuid birra maid departemeanta berre váldit mielde čielggadussii. Lea dieđusge deađalaš čalmustahttit ekonomalaš rámmaeavttuid. Eará rámmaid, nugo earret eará sámi ja dárbe oahpponeavvoráhkadeami buohtastahttit, ja árvoštallat doaibmajiid mat láchet dili nu ahte maiddái smávva lágádusain lea vejolašvuota gilvalit sturát lágádusaiguin, lea maid dárbe váldit mielde departemeantta čielggadussii.

Strategijiat:

- Sámediggi áigu bisuhit ovttasbarggu oahpponeavvoovddideddjiiguin ja čuovvulit proševttaid jeavddalaččat
- Sámediggi searvaha oahpponeavvoovddideddjiid áššáigulleaš proseassaide main sáhtá leat mearkašupmi ohcanproseassaide
- Sámediggi áigu doallat jahkásaš ohciidwebinara oahpponeavvoovddideddjiide
- Sámediggi áigu čuovvulit departemeantta čielggadanbarggu sámi oahpponeavvodili birra ja áigu ovddidit dárbbu lassi rámmajuolludemiide mat addet vejolašvuoda buoridit oahpponeavvodili

2.10 Davviriikkalaš ovttasbargu

Sámedikkis lea guhká leamaš ovttasbargu Ruođa ja Suoma beale Sámi sámedikkiiguin. Dán ovttasbargus lea konkretalaččat bohtán sávaldat ovddidit oktasaš sámegielat oahpponeavvobuktaga fágii sámi historjá, mii lea čállon sámi perspektiivva vuodul. Sámediggi oaidná stuora ávkki sámi ovttasbargus riikarájiiid rastá ja áigu bisuhit ja viidáseappot ovddidit dán ovttasbarggu.

Strategijiat:

- Sámediggi áigu bargat dan ala ahte vuolggahit barggu ásahit rájaidrasttideaddji ovttasbargojoavkku Sámis, man ulbmil lea ráhkadit oahpponeavvuid oktasaš sámi historjjás

3 Vuoruheamit 2025–2028

Vuoruheamit čájehit makkár fágasurggiin váilot oahpponeavvut mat leat ráhkaduvvon fágaođasmahttima vuodul, ja dat leat láidesteaddjin go almmuhit ohcanvuodot doarjaga oahpponeavvoráhkadeapmái ja oahpponeavvuid almmolaš háhkamii.

Sámediggi lea rabas buvttadit oahpponeavvuid, guovtti dahje mángga gillii oktanaga. Sámedikkis sáhtá ohcat doarjaga oahpponeavvuid buvttadit guovtti dahje mángga gillii oktanaga. Dan láchai mii sihkkarastit oktanaga almmuhemiid golmma sámegillii ja ahte oahpponeavvu oppa sámi perspektiiva vuhtiiváldjuvvo. Dákkár prošekta ferte gáržžiduvvot dušše ovtta dássái dahje ovtta fáddái, vai dat ii šatta beare viiddis.

Proševttat mat eai gula vuoruhuvvon fágasurggiide, árvoštallojuvvojit vuodustuvvon ja duodaštuvvon dárbbuid mielde. Deattuhuvvo ahte vaikko Sámediggi lea vuoruhan oahpponeavvuid ovtta fágas mángga ceahkkái/dássái, de sáhtá ohcat doarjaga muhtun osiide dan vuoruhuvvon fágas. Lea deađalaš ahte proševtta viidodat vuđolaččat árvoštallojuvvo proševtta olmmošlaš resurssaid ektui, ja man viiddis hivvodaga lea geavatlaččat vejolaš čadahit áigerámma siskkobealde gitta 3 jagi rádjai.

Erenoamážit heivehuvvon digitála oahpponeavvut galga dahkkot heiveheapmi lassin gáibádusaide mat juo leat universála hábmema dáfus.

Mii leat plána odasteamis dahkan árvoštallama makkár fágaid áigut vuoruhit 2027:s ja 2028:s. Mii leat bidjan dása jagiid 2025 ja 2026 fágavuoruhemiid. Vuoruheamit leat dahkkon oahpponeavvodilli vuodul ja makkár fágain ain váilot oahpponeavvut. Departemeantta čielggadeamis oahpponeavvuid ráhkadeami birra ii leat vel boahtán johtui ja ii leat dat váikkuhan moktege Sámedikki fágavuoruhemiid.

Sámegeiella parallealla seammaárvosaš oahppoplána matematihkas 1.-10. dássái mielddisbuktá ahte lea dárbu ráhkadit matematihka oahpponeavvuid sámegeillii, mat dávistit odđa plánii. Oahpponeavvuid ráhkadeami berre álggahit dakkaviđe go oahppoplána lea mearriduvvon, vai sámi matematihkkagirjjit leat fidnemis jođánit. Danin mii vuoruhat matematihka 2027:s.

2025

Oahpponeavvut máttasámegeillii:

- Sámegeiella nubbingiellan, Sámegeiella 2, Jo1-Jo3
- Sámi historjá ja servodat, Jo
- Deaddiluvvon girjjit fágii sámegeiella vuosttašgiellan
- Deaddiluvvon girjjit fágii servodatfága, 1.-4. ceškiide

Oahpponeavvut julevsámegeillii:

- Sámegeiella nubbingiellan, Sámegeiella 2, 1.-4. ceškiide
- Sámegeiella nubbingiellan, Sámegeiella 4, Jo1-Jo3
- Deaddiluvvon girjjit fágii sámegeiella vuosttašgiellan
- Deaddiluvvon girjjit fágii servodatfága, 1.-4. ceškiide
- Sámi historjá ja servodat, Jo

Oahpponeavvut davvisámegeillii:

- Sámi čiekŋudeapmi 8.-10. ceškiide
- Deaddiluvvon girjjit fága sámegeiella vuosttašgiellan
- Deaddiluvvon girjjit fága servodatfága, 1.-4. ceškiide

Oahpponeavvut sámegeielas ohppiide geain lea mearkagiella

- Sámegeiella vuosttašgiellan 5.-7. ceškiide

Erenoamážit heivehuvvon oahpponeavvut davvi-, julev- ja lullisámegeillii , heivehuvvon viidábut go dábálaččat

2026

Oahpponeavvut lullisámegeillii

- Sámi čiekŋudeapmi 8.-10. ceškiide
- Servodatfága 8.-10. ceškiide
- Historjá 8.-10. ceškiide

Oahpponeavvut julevsámegeillii

- Sámegeiella nubbingiellan, Sámegeiella 3, 1.-7. ceškiide
- Sámegeiella čiekŋudeapmi 8.-10. ceškiide
- Sámegeiella vuosttašgiellan, Jo1-Jo3
- Servodatfága 8.-10. ceškiide

Oahpponeavvut davvisámegeillii

- ROEE, 5.-7. ceškiide

- Luonddufága 1.-4. ceškiide
- Servodatfága 8.-10. ceškiide

Sámegeiela oahpponeavvut ohppiide geain lea mearkagiella

- Sámegeiella vuosttašgiellan 8.-10. ceškiide

Erenoamážit heivehuvvon oahpponeavvut

- Erenoamážiid heivehuvvon oahpponeavvuid vuoruheapmi guoská buot fágaide olles vuoddoahpahusmannodagas

2027

Oahpponeavvut lullisámegillii

- Luonddufága 1.-4. ceškiide
- ROEE 5.-7. ceškiide
- Servodatfága, 5.-7. ceškiide, deaddiluvvon girjjit
- Matematihkka, 1.-10.

Oahpponeavvut julevsámegillii

- Sámegeiella nubbingiellan, sámegeiella 4, jo1-jo3
- Luonddufága 1.-4. ceškiide
- ROEE 5.-7. ceškiide
- Servodatfága, 5.-7. ceškiide, deaddiluvvon girjjit
- Matematihkka, 1.-10.

Oahpponeavvut davvisámegillii

- Luonddufága 5.-7. ceškiide
- Servodatfága 5.-7. ceškiide, deaddiluvvon oahpponeavvut
- ROEE, 8.-10. ceškiide
- Matematihkka, 1.-10.

Sámegeiela oahpponeavvut ohppiide geain lea mearkagiella

- Sámegeiella vuosttašgiellan, 5.-7. ceškiide

Erenoamážiid heivehuvvon oahpponeavvut

- Erenoamážiid heivehuvvon oahpponeavvuid vuoruheapmi guoská buot fágaide olles vuoddoahpahusmannodagas

2028

Oahpponeavvut lullisámegillii

- Luonddufága 8.-10. ceškiide
- servodatfága 8.-10. ceškiide, deaddiluvvon girjjit
- ROEE, 8.-10. ceškiide
- Sámegeiela nuppigieida didaktihkarávagirji

Oahpponeavvut julevsámegillii

- Luonddufága 5.-7. ceškiide
- Servodatfága 8.-10. ceškiide, deaddiluvvon girjjit

- ROEE, 8.-10. cehkiide
- Sámeigiela nuppigiela didaktihkkarávagirji

Oahpponeavvut davvisámegillii

- Luonddufága 8.-10. cehkiide
- Servodatfága, 8.-10. cehkiide, deaddiluvvon girjjit

Sámeigiela oahpponeavvut ohppiide geain lea mearkagiella

- Sámeigiella vuosttašgiellan, 8.-10. cehkiide

Erenoamážit heivehuvvon oahpponeavvut

- Erenoamážiid heivehuvvon oahpponeavvuid vuoruheapmi guoská buot fágaid olles vuoddoahpahusmannodagas

Vuodđodokumeanttat

- Mánočalbmi-julggaštus, ovttasbarggu politihkalaš vuodđu 2025–2029 sámediggeáigodahkii.
- Oahppoplánabuvttus Máhttolokten 2020 Sámi (fágaodastus)
- Vista-raporta 2021-26 Evaluering og utredning av Sametingets organisering av læremiddelutvikling https://www.vista-analyse.no/site/assets/files/7092/va-apport_2021-26_evaluering_av_sametingets_tilskuddsordning_for_laeremidler.pdf
- Riksrevisjonens undersøkelse av samiske elevers rett til opplæring i og på samisk. Dokumeanta 3:5 (2019–2020)
- Sámedikki čoahkkimat sámi oahpponeavvuid birra davvi-, julev- ja lullisámi guovlluin
- Jearahallaniskadeapmi mii sáddejuvvui skuvlaeiggeáigodastus ja oahpaheddjiide lulli-, julev- ja davvisámi guovlluin
- Gulahallančoahkkimat NetSamiin (sámi oahpaheaddjefierpmádat) ja oahpponeavvobuvttadeddjiiguin.